



# Monitor Annibynnol

Adroddiad Blynyddol 2016





## Cyflwyniad

Dyma bedwerydd adroddiad blynyddol y Monitor Annibynnol ac mae'n bleser gennyf gyflwyno'r adroddiad ar gyfer y cyfnod rhwng Ionawr a Rhagfyr 2016.

Yn fy adroddiad diwethaf fe gyflwynais ddau argymhelliad (ynghlwm yn atodiad A) y gwnes eu hadnabod fel rhai a allai wella'r broses ddatgelu. Rwyf wedi derbyn ymateb gan y Llywodraeth (ynghlwm yn Atodiad B) ac wedi dangos diweddariad ar bob un o fy argymhellion isod (ynghlwm hefyd fel Atodiad C).

## Trosolwg o'r flwyddyn

### Atgyfeiriadau.

Mae nifer yr atgyfeiriadau yr wyf wedi'u derbyn rhwng Ionawr a Rhagfyr 2016 wedi gostwng yn sylweddol o'i gymharu â'r rheini a dderbyniwyd yn 2015. Lleihaodd cyfanswm nifer yr achosion a dderbyniwyd o 383 yn 2015 i 243 yn y flwyddyn adrodd hon, gostyngiad o dros 36%.

Yn fy adroddiad diwethaf siaradais am y newidiadau i'r ffordd y bu i'r heddlu drin y risg canfyddedig a wynebwr gan bobl gan unigolyn, ar y dystysgrif o ddatgeliad. Gwnaed y newidiadau hyn a chredaf fod y lleihad yn y nifer o achosion a gyfeiriwyd ataf wedi digwydd yn rhannol yn sgil y newid hwn.

### Gogledd Iwerddon

Cychwynnodd Deddf Cyfiawnder Gogledd Iwerddon ar 2 Tachwedd 2015 a'i heffaith oedd ymestyn ar rôl lawn y Monitor Annibynnol i adolygu anghydfodau datgelu a wneir yng Ngogledd Iwerddon yn yr un ffordd â Chymru a Lloegr ar hyn o bryd. Mae'r nifer o atgyfeiriadau o Gogledd Iwerddon wedi parhau'n isel dros y cyfnod adrodd hwn gyda dau achos yn unig wedi'u hatgyfeirio ataf i'w hadolygu. Byddaf yn parhau i fonitro nifer yr achosion o Gogledd Iwerddon dros y flwyddyn nesaf ac yn adrodd ar unrhyw faterion sy'n codi yn eu sgil yn fy adroddiad nesaf.

### Adolygiadau Barnwrol.

Cafwyd dau achos yn ystod y flwyddyn adrodd ble mae ymgeisydd wedi herio fy mhenderfyniad trwy geisio Adolygiad Barnwrol. Dyma'r hawl terfynol sydd ar gael i unigolyn sy'n anghytuno â'r

wybodaeth sy'n cael ei datgelu gan yr heddlu ar Dystysgrif Fanwl o Gofnod Troseddol. Yn y ddau achos hyn (LK v Monitor Annibynnol a MS v Monitor Annibynnol) ni chafodd fy mhenderfyniad ei gynnal a chefais wahoddiad i feddwl eto am fy mhenderfyniad. Yn un o'r achosion o ganlyniad i adolygu penderfyniad y llys a chyflwyniadau ychwanegol a wnaed gan yr ymgeisydd, canlyniad fy ail adolygiad oedd diddymu'r datgeliad. Yn y llall, wrth ail adolygu, penderfynais gynnal fy mhenderfyniad cychwynnol a chadw'r datgeliad, penderfyniad nad yw wedi cael ei herio ers hynny. Rwy'n cydnabod ac yn cefnogi hawl yr unigolyn i herio fy mhenderfyniadau, y gellir ei wneud drwy'r broses Adolygiad Barnwrol. Yn unol â blynyddoedd blaenorol, mae penderfyniadau'r llys wedi fy ngalluogi i wella'r gwaith dilynol o wneud penderfyniadau.

### **Argymhellion blaenorol.**

Yn fy Adroddiad Blynyddol 2015 mi wnes ddau argymhelliad.

Y cyntaf oedd y dylid ychwanegu'r heddlu at y rhestr o asiantaethau sy'n medru cael mynediad at drawsgrifiadau o achosion llys heb orfod ceisio caniatâd barnwr yr achos. Mae'r mater hwn wedi achosi oedi ar sawl achlysur dros y flwyddyn ddiwethaf ac nid wyf o'r farn, yn y rhan helaeth o achosion, y gellid cyflymu'r broses herio petai'r argymhelliad hwn yn cael ei dderbyn.

Roedd fy ail argymhelliad yn ymwneud â'r ymdriniaeth anghyson â datgeliadau mewn perthynas â thrydydd parti, h.y. unigolion a allai fod yn byw, neu'n gysylltiedig mewn ffordd arall, ag ymgeisydd.

Bellach rwyf wedi cael ymateb ffurfiol i'r argymhellion hynny gan yr Ysgrifennydd Cartref ac atodir hynny yn Atodiad B. Byddaf yn ystyried manylion yr ymateb hwnnw yn fy adroddiad nesaf.

### **Ymgysylltu**

Yn ystod y flwyddyn ddiwethaf rwyf wedi parhau i fynychu Fforymau Datgelu Rhanbarthol a Chenedlaethol yr Heddlu, ynghyd â chyfarfodydd Grŵp Portffolio Datgelu'r Heddlu. Rwyf wedi ymweld â'r Gwasanaeth Datgelu a Gwahardd (DBS) yn Lerpwl ac Access Northern Ireland yn Belfast. Rwy'n parhau i gwrdd yn rheolaidd gydag arweinwyr gweithredol o'r DBS, ANI a'r heddlu er mwyn adnabod materion o bryder. Fy null o weithredu yw delio â materion o'r fath wrth iddynt godi trwy gydol y flwyddyn yn hytrach nag aros am fy adroddiad blynyddol fel yr unig fodd o godi pryderon a chyfeirio gwelliannau.

### **Samplu achosion.**

Yn ystod y flwyddyn rwyf hefyd wedi ymgymryd ag ymarfer samplu o achosion fel sy'n ofynnol o dan adran 119B Deddf yr Heddlu 1997. Eleni fe adolygais ddeugain ac wyth o achosion o wyth ardal heddlu a darparu adborth i bob un ar fy nghanfyddiadau. O ganlyniad i'r adolygiadau hyn, ni sylwais ar unrhyw dueddiadau penodol sydd angen delio â nhw yn genedlaethol.

### **Casgliad**

Tra bod y nifer o geisiadau a gafwyd yn ystod y cyfnod adrodd hwn wedi bod yn is na'r blynyddoedd blaenorol, daeth nifer o faterion cymhleth i'r amlwg sydd wedi golygu bod y rôl wedi bod yr un mor brysur â'r blynyddoedd blaenorol.

Mae fy ysgrifenyddion yn parhau i ddarparu cymorth rhagorol i fy rôl ac wedi rheoli'r achosion cymhleth yn dda iawn. Nid oes gennyf unrhyw argymhellion penodol i'w gwneud eleni ac yn ystod y flwyddyn i ddod byddaf yn parhau i weithio gyda phartneriaid ac yn edrych ymlaen at weld buddion yr argymhellion a dderbyniwyd o adroddiadau blaenorol.



**Simon Pountain**

## Pwerau y mae'r Monitor Annibynnol yn gweithredu ynddynt

Mae'r Monitor Annibynnol yn cael ei benodi gan yr Ysgrifennydd Gwladol o dan adran 119B Deddf yr Heddlu 1997 ac mae ganddo ddwy ddyletswydd statudol yn ymwneud â datgelu gwybodaeth ar Dystysgrif Fanwl o Gofnod Troseddol.

Yn gyntaf, yn unol ag adran 119B Deddf yr Heddlu 1997 (Deddf 1997), rhaid i'r Monitor Annibynnol adolygu sampl o achosion ble mae gwybodaeth heb fod yn gollfarnau'r heddlu yn cael ei chynnwys, neu nid yw'n cael ei chynnwys, ar dystysgrifau manwl o gofnod troseddol o dan adran 113B(4) y Ddeddf. Diben yr adolygiadau hyn yw sicrhau cydymffuriad ag Arweiniad Statudol y Swyddfa Gartref ar ddatgelu ac Erthygl 8 Confensiwn Ewrop ar Hawliau Dynol.

Yn ail, pan fydd cais yn cael ei wneud am Dystysgrif Fanwl, mae manylion unigolyn yn cael eu cyfeirio at unrhyw lu heddlu a allai fod â gwybodaeth am yr unigolyn. Mae hyn yn galluogi i'r heddlu wirio yn erbyn eu cofnodion am unrhyw wybodaeth y maen nhw'n credu yn rhesymol sy'n berthnasol i ddiben penodol ceisio'r dystysgrif ac yna ystyried a ddylid ei datgelu. Os nad yw ymgeisydd yn fodlon â'r wybodaeth sy'n cael ei datgelu fe allent ymgeisio i'r Monitor Annibynnol am adolygiad. Dan adran 117A Deddf yr Heddlu 1997, mae gan y Monitor Annibynnol rôl wrth adolygu'r achosion hynny ble mae'r person yn teimlo bod y wybodaeth sy'n cael ei datgelu gan yr heddlu o fewn Tystysgrif Fanwl o Gofnod Troseddol y Gwasanaeth Datgelu a Gwahardd naill ai yn amherthnasol i'r gweithlu y maen nhw'n ymgeisio ar ei gyfer, neu na ddylid ei datgelu.

## Gweithrediad yr Ysgrifenyddiaeth a swyddogaeth y Monitor Annibynnol

Cyflwynwyd rôl y Monitor Annibynnol wrth adolygu atgyfeiriadau am wybodaeth a ddatgelir gan luoedd heddlu gan y Ddeddf Rhyddid Gwybodaeth 2012. Sefydlwyd Ysgrifenyddiaeth i gefnogi'r Monitor Annibynnol i berfformio'r swyddogaeth hon ym mis Hydref 2012 ac mae bellach yn cynnwys dau aelod o staff llawn amser.

Cyn Hydref 2012 a'r newidiadau a gyflwynwyd gan y Ddeddf Rhyddid Gwybodaeth, yr unig hawl apelio oedd gan unigolyn a oedd yn anfodlon â'r wybodaeth a oedd yn ymddangos ar eu tystysgrif fanwl oedd i Brif Gwnstabl y llu perthnasol mewn perthynas â chywirdeb y testun. Os oedd yr ymgeisydd yn anfodlon â chanlyniad hyn neu eiriad cyffredinol y testun yna'u hunig ddewis oedd ceisio Adolygiad Barnwrol o'r penderfyniad datgelu, a fyddai'n gostus i'r ymgeisydd a'r Gwasanaeth Datgelu a Gwahardd o ran amser ac adnoddau. Mae rôl y Monitor Annibynnol bellach yn gweithredu fel haen adolygu ychwanegol cyn i'r unigolyn droi at Adolygiad Barnwrol.

Ers ei greu ym mis Medi 2012 hyd at ddiwedd Rhagfyr 2016, mae'r Ysgrifenyddiaeth wedi derbyn cyfanswm o 1299 o atgyfeiriadau gan unigolion sy'n pryderu am y wybodaeth a ddatgelir ar eu tystysgrifau datgelu. Mae'r papurau achos yn cynnwys tystysgrif ddatgelu a ddarparwyd gan y Gwasanaeth Datgelu a Gwahardd gydag unrhyw ddogfennau anghydfod am y wybodaeth a ddatgelir y gallai'r ymgeisydd fod wedi'i godi gyda'r Gwasanaeth Datgelu a Gwahardd yn y gorffennol. Unwaith y mae achos yn cael ei dderbyn, bydd yr Ysgrifenyddiaeth yn gofyn i'r heddlu am wybodaeth yn ymwneud â'r achos ac i'r ymgeisydd am unrhyw sylwadau ychwanegol y mae'n dymuno eu gwneud. Ar ôl derbyn y sylwadau mae'r achos cyfeirio yn cael ei gyflwyno i'r Monitor Annibynnol ei adolygu.

Wrth wneud penderfyniad ar gynnwys gwybodaeth ar y dystysgrif, ac yn dilyn arweiniad statudol, bydd y Monitor Annibynnol yn ystyried:

1. A yw'r wybodaeth a ddarperir yn gywir;
2. A yw'r wybodaeth a ddarperir yn berthnasol i ddiben penodol ceisio'r dystysgrif (yn dilyn newidiadau polisi yn 2012 mae hyn bellach yn gyffredinol ar gyfer gwaith o fewn gweithluoedd plant neu oedolion yn hytrach nac yn benodol i rôl arbennig); ac

3. A ddylai'r wybodaeth gael ei datgelu, gan gynnwys;
  - a. Beth yw nod cyfreithlon y datgeliad;
  - b. A yw'r datgeliad yn angenrheidiol i gyflawni'r nod cyfreithlon hwnnw; ac
  - c. A yw'r datgeliad yn gymesur, yn bwrw cydbwysedd teg rhwng hawliau'r ymgeisydd a hawliau'r rheini y mae'r datgeliad yn ceisio'u hamddiffyn.

Mae'r holl feini prawf yn cael eu hystyried yn gyfartal, nid oes pwysoli. Unwaith y mae penderfyniad yn cael ei wneud bydd yr Ysgrifenyddiaeth yn ysgrifennu at yr ymgeisydd, y Gwasanaeth Datgelu a Gwahardd a phrif swyddog yr heddlu perthnasol yn eu hysbysu o benderfyniad y Monitor Annibynnol.

Yn ychwanegol at ddarparu penderfyniadau ar geisiadau am adolygiad o ddatgeliad prif swyddog o wybodaeth gymeradwy, mae'r Monitor Annibynnol wedi ymgymryd hefyd â'r ymarfer sampl gofynnol o dan s119B (5) Deddf 1997. Mae'r ymarfer wedi cynnwys samplu gwybodaeth yr heddlu a ddarperir ar Dystysgrifau Manwl ar gyfer nifer o luoedd. Yn dilyn yr adolygiadau hyn mae'r Monitor Annibynnol wedi darparu adborth i luoedd i sicrhau ansawdd a chydymffurfiad ag Arweiniad Statudol.

## Eglurhad


Mae fy rôl yn wahanol i'r Adolygydd Cwynion Annibynnol ar gyfer Y Gwasanaeth Datgelu a Gwahardd. Fel penodai statudol, fy rôl yw ystyried apeliadau gan ymgeiswyr sy'n anghytuno â chynnwys gwybodaeth nad yw'n ymwneud â cholffarnau o fewn y tystysgrifau datgelu manwl a gyhoeddir gan y Gwasanaeth Datgelu a Gwahardd. Mae angen tystysgrifau o'r fath ar gyfer y rheini sy'n dymuno gweithio gyda phlant ac oedolion bregus ac o fewn rhai meysydd penodol eraill megis gyrru tacsï.

Mae'r Adolygydd Cwynion Annibynnol yn adolygu cwynion am y Gwasanaeth Datgelu a Gwahardd ac yn cynnig cyngor adeiladol am y ffordd y mae'r Gwasanaeth Datgelu a Gwahardd yn delio â chwsmeriaid a sut y mae'r Gwasanaeth Datgelu a Gwahardd yn trin cwynion.

## Atgyfeiriadau Achos Monitor Annibynnol: Crynodeb 2016


Dengys y siart isod ganlyniadau'r atgyfeiriadau a dderbyniwyd gan y Monitor Annibynnol yn 2016 o'i gymharu â'r blynyddoedd blaenorol. Mae hefyd yn dangos yr un wybodaeth am y cyfnod rhwng mis Medi a Rhagfyr 2012 yn dilyn cyflwyno rôl y Monitor Annibynnol. Mae 'cynnal' yn cyfeirio at yr achosion hynny ble'r wyf wedi cefnogi datgeliad yr heddlu yn llwyr.

### Siart 1



Mae'r siart a ganlyn yn dadansoddi'r categori 'canlyniad arall' uchod i ddangos y ffordd y deliwyd â'r achosion.

### Siart 2




Yn gyffredinol gellir gweld bod cyfanswm nifer yr atgyfeiriadau wedi cynyddu'n sylweddol ar niferoedd y llynedd. Y prif wahaniaeth y llynedd yw nifer yr achosion yr wyf i wedi'u hystyried sydd wedi dyddio a ble nad yw diben gwreiddiol ceisio'r dystysgrif bellach yn bodoli, ac nid wyf wedi'u hadolygu ymhellach (26 achos). Fel yr esboniwyd ynghynt yn yr adroddiad hwn mae'r rhain yn achosion, oherwydd hyd yr amser rhwng cyhoeddi'r dystysgrif a chychwyn yr anghydfod, mae'n rhesymol credu nad yw diben ceisio'r dystysgrif bellach yn bodoli. Mae datblygu'r categori newydd hwn yn dangos sut y mae fy rôl yn esblygu ac yn parhau i wneud y gorau o fy swydd oruchwylio. Mae categori i'w weld yn y siart uchod hefyd ar gyfer achosion wedi'u diwygio. O bryd i'w gilydd, ceir achosion ble'r wyf yn teimlo bod angen diwygio datgeliad yn hytrach na dileu testun. Gallai hyn fod ble y byddai dileu yn gadael y testun yn anghywir yn ramadegol neu ble'r wyf yn meddwl bod y datgeliad wedi'i eirio'n oddrychol. Yn yr achosion hyn byddaf yn trafod gyda'r Prif Swyddog er mwyn cytuno ar ffurf ddiwygiedig ar y geiriau. Mae yna un achos i'w weld yn 2016 lle gwrthodais ei adolygu. Roedd hwn yn achos lle'r oedd yr herio'n gyfredol ond nid oedd diben y cais am y dystysgrif yn bodoli mwyach ac roedd yr ymgeisydd eisoes wedi cael tystysgrif newydd ar gyfer y rôl newydd. Nid oes unrhyw achosion newydd o anghydfod sy'n parhau o flynyddoedd blaenorol.

### Gweithluoedd yr ymgeiswyd amdanynt.

Mae'r siart a ganlyn yn dangos cymhariaeth o'r gweithluoedd y mae ceisiadau am adolygiadau wedi'u derbyn ar eu cyfer.

O'r siart, fe welir bod y gyfran o achosion ym mhob gweithlu yn parhau'n gyson â blynyddoedd blaenorol ac nid wyf wedi sylwi ar unrhyw newid yn y gweithluoedd o ran herio gwybodaeth. Gellir gweld o'r siart bod mwyafrif yr anghydfodau gan ymgeiswyr sydd wedi ymgeisio i weithluoedd Plant ac Oedolion. Yn yr achosion hyn mae mwy o wybodaeth yn cael ei hystyried gan yr heddlu oherwydd hygludedd ehangach y dystysgrif a chan hynny yn aml yr hyn y mae unigolion yn pryderu yn ei gylch yw nad yw'r wybodaeth sy'n cael ei datgelu yn berthnasol i'r rôl benodol yr ymgeisir ar ei chyfer.

#### Siart 3



Sylwer ni chofnodwyd unrhyw anghydfodau yn y categori 'Gweithlu arall' yn 2012 neu 2013 gan fod Gyrrwyr Tacsï yn cael eu hystyried yn rhan o'r gweithlu Plant yn ystod y blynyddoedd hynny.



## **Atodiad A: Argymhellion a wnaed yn Adroddiad Blynyddol 2015.**

1. At ddiben Datgelu, ychwanegir yr heddlu at restr o'r asiantaethau hynny sy'n gallu sicrhau trawsgriadau llys heb geisio cymeradwyaeth ymlaen llaw gan farnwr yr achos.
2. Bod trafodaeth ffurfiol yn cael ei chynnal rhwng rhanddeiliaid o fewn y Gwasanaeth Datgelu a Gwahardd, Y Swyddfa Gartref a'r heddlu, er mwyn datblygu ymdriniaeth fwy cyson tuag at ddatgeliadau trydydd parti trwy ddatblygu arweiniad manylach.

## Atodiad B: Ymateb Y Llywodraeth i Adroddiad blynyddol 2016.



Home Office

### Ysgrifennydd Cartref

2 Marsham Street  
London SW1P 4DF  
[www.gov.uk/home-office](http://www.gov.uk/home-office)

Simon Pountain, Monitor Annibynnol ar gyfer y  
Gwasanaeth Datgelu a Gwahardd  
2 Marsham Street  
3<sup>rd</sup> Floor Peel  
London  
SW1P 4DF

7 Chwefror 2018

Annwyl Simon:

Diolch am eich Adroddiad Blynyddol 2016 y bwriadaf ei gyhoeddi ar gov.uk yn fuan. Llwyddodd eich adroddiad i roi cipolwg defnyddiol ar ddatgelu gwybodaeth yr heddlu ar dystysgrifau cofnodion troseddol manwl (ECRCs) a'ch gwaith ar fforymau datgelu rhanbarthol i ddatblygu cysondeb wrth weithredu. Dyma yw'r union fath o arfer da y dymunaf ei weld yn cael ei ddatblygu'n fwyfwy.

Yn eich adroddiad, rhoesoch ragor o wybodaeth ar y ddau argymhelliad a wnaed yn eich adroddiad 2015. Rwyf wedi ystyried y rhain yn ofalus ac wedi gosod ein hymateb isod.

### Argymhellion o Adroddiad Blynyddol 2015

Dywed eich argymhelliad cyntaf, at ddibenion datgelu, yr ychwanegir yr heddlu at restr o'r asiantaethau hynny sy'n gallu sicrhau trawsgrifiadau llys heb geisio cymeradwyaeth ymlaen llaw gan farnwr yr achos. Rwy'n cefnogi'r argymhelliad hwn. Fel y gwyddoch, Y Weinyddiaeth Gyfiawnder sy'n arwain ar bolisi'r Gwasanaeth Llysoedd a Thribiwnlysoedd Ei Mawrhydi. Rwyf wedi gofyn i swyddogion gydweithio â Nick Adderley, sy'n arwain ar Ddatgeliadau NPCC, i ystyried a yw hyn yn rhywbeth a fyddai o fudd i ddatgeliadau'r heddlu ac, os felly, ofyn i'r NPCC ysgrifennu at yr Ysgrifennydd Cartref dros Gyfiawnder i gyflwyno'r achos.

Eich ail argymhelliad yw y dylai ymdriniaeth fwy cyson tuag at ddatgeliadau trydydd parti fodoli trwy ddatblygu arweiniad manylach. Unwaith eto, rwy'n cefnogi'r argymhelliad hwn. Deallaf eich bod yn cwrdd yn rheolaidd gyda'r Gwasanaeth Datgelu a Gwahardd a'r arweinydd ar Ddatgeliadau yng Nghyngor Cenedlaethol Prif Swyddogion yr Heddlu, ac felly ymddengys mai chi yw'r person gorau i drafod a chytuno ar ymdriniaeth fwy cyson y gellid ei hadlewyrchu mewn arweiniad.

**Adroddiad Blynyddol Monitor Annibynnol 2016**

Rwy'n ymwybodol fod eich ail argymhelliad i gyflwyno terfyn amser ar gyfer herio datgeliad eto i'w gytuno gan fod angen addasiad i'r brif ddeddfwriaeth. Ers cyhoeddi eich Adroddiad Blynyddol 2014, deallaf fod yr angen i geisio cyfle cyfreithiol i gyflwyno terfyn amser ar gyfer herio achosion o ddatgeliad wedi lleihau gan eich bod chi'n defnyddio proses newydd a ddylai leihau'r ceisiadau hyn yn sylweddol. Rwy'n gwerthfawrogi'ch parodrwydd i geisio datrysiaid nad yw o fath cyfreithiol i'r mater hwn a byddwn yn ddiolchgar petaech yn parhau i adolygu'r mater hwn a rhoi gwybod i mi am unrhyw broblemau sylweddol.

Rwy'n ddiolchgar am eich gwaith pwysig dros y cyfnod hwn.



## Atodiad C: Tabl o argymhellion blaenorol.

Argymhelliad	Blwyddyn y'i gwnaed	statws	Sefyllfa gyfredol
Iechyd Meddwl	2013	Wedi'i dderbyn	Mae'r arweiniad statudol bellach wedi'i ddiwygio yng nghyswllt achosion Iechyd Meddwl ac fe'i cyhoeddwyd ym mis Awst 2015.
Galwedigaethau yn y Cartref	2013	Wedi'i dderbyn yn Rhannol	Diwygiodd y Gwasanaeth Datgelu a Gwahardd arweiniad yr ymgeisydd a RB yn 2015 a hyrwyddo hyn yn Newyddion Y Gwasanaeth Datgelu a Gwahardd.
Gweithlu v Swydd yr Ymgeisir Amdani	2013	Heb ei Dderbyn	Mater wedi'i godi eto yn Adroddiad Blynyddol 2014. Canlyniad hyn oedd yr ymateb blaenorol yn cael ei ail-ddweud.
Cofrestredig	2013	Wedi'i dderbyn	Gweithiodd y Gwasanaeth Datgelu a Gwahardd gyda NACRO a CIPD i ddatblygu arweiniad ar gyfer cyflogwyr ar sut i drin ac asesu gwybodaeth sy'n ymddangos ar dystysgrif ddatgelu.
Cyfyngiad Amser Statudol ar gyfer anghydfodau	2014	Wedi'i dderbyn ac yn aros am ddatblygiad pellach.	
Proses ffurfiol i adolygu argymhellion	2014	Wedi'i dderbyn.	Strwythur cyfarfod mewn grym.
Unedau Datgelu'r Heddlu i gael mynediad at Drawsgriadau Llys	2015	Wedi'i dderbyn ac yn aros am ddatblygiad pellach.	
Datblygu arweiniad ar Ddatgeliadau Trydydd Parti	2015	Wedi'i dderbyn ac yn aros am ddatblygiad pellach.	